

آبونه سرائطی

ممالك عثمانیه ده سنه لکی (۶۵)، آلتی
آیلنی (۳۵) غروشدر .
ممالك اجنبیه ده سنه لکی (۱۷)، آلتی
آیلنی (۹) فرانقدر .

اداره خانه

باب عالی جاده سنده دائرة مخصوصه

اضطارات

آبونه بدلی پشیندر .

مسلكه موافق آثار مع الممنونیه قبول
اوانور . درج ایدله یں یازیلر اعاده
اولونماز .

الکشاف

۱۳۳۰

دینی ، فلسفی ، علمی ، ادبی هفته لقی مجموعه اسلامیه در .

صاحب و مدیر مسئول

باش محرر

والله یهدی من یشاء الی صراط مستقیم

محمد عاکف

اشرف اربیب

اتبعون اهدکم سبیل الرشاد

اضطارات

رساله مزدن آاندینی کوسترملک
شرطایله ستون یازیلر هر هانکی بر
غزته طرفندن اقتباس اولونه بیلیر .

مکتوبلرک ، امضالرک واضح و
اوقوناقلی اولسی و آبونه صره
نومروسی محتوی بولونسی لازمدر

ممالك اجنبیه ایچون آبونه اولانلرک
آدرسلرینک فرانسزجه ده یازلمسی
رجا اولنور .

پاره کوندردلکی زمان نه یه دائر
اولدیغنک واضحاً بیلدیرلمسی رجا
اولنور .

ادبیات (۱)

قومیت حسی ، فکرلری نرمیه سورو کلیور !

شقایق ناصیل سعادت شکلمده کوسنر یور !

یکن هفته انتشار ایدن « تورک یوردی » نك ۷۹ نجی صایسندمه « جنکیز خان » عائد برقصیده مدحیه منظورمن اولدی . محرم بو قصیده سنده جنکیزی کونشه ، باراغنی کوکدن پارچالانما زمرده نوره تشبیه ایدیور ؛ صوکر انسانى ، تاریخی جنکیزه سجده ایتدیریور ؛ کوکی آکا زبرجد بر سرای یاییور ؛ کونشله ، آیله جنکیزك تاجکی سلاملائیور ؛ جنکیزه ظفردن آبدلر دیکدیریور ؛ جنکیزك جقدینی کیش تختی قبله یاییور ؛ او « سهای قهرمانه » اسکندری سجده ایتدیریور ؛ صوکراده « اولو خاقانك » « بویوك روحنی تحلیل ایدیور ، اورادن « برعرق ، برملت عشقی » یاراتیور ؛ ونه ایت جنکیزك ، او « بویوك غضنفر » ك اوکنده « سجده بیغلریله » محرم صوك تمیسنی اظهار ایدمرك دیوركه : « لکن یتمز ، اولووخاقان ، کره یی بیر (قزیل الما) یامالیدی آتش وقان ! ... »

ایشته « ادبیات » سرلوحه سی آلتندمه کی او یازیلرک روحی بوندن عبارت ... مملکتیمزك قابوسنی قیرمه یه جالیشان هایدودلری طاشله تپه لیه جك قدرقه رمانلقلر کوسترن ؛ مصر چوللریك قیزغین کونشلی آلتندمه ، قافقاس طاغلریك یالین بوزلری اوستندمه آرسالانلر کی دین ووطن دشمنلرینه صولتلرده بولونان قاردرشلر مزلک شاعرلر مزمه ، حتی ییسانجی محررله بیله نامتناهی منابع الهام اوله جق بونجه مناقب حماسی کوزلر مزاوکنده بارلایوب طورورکن ایچمزدن برینك چیقوبده اسلامیتكده ، بشریتكده ، تورکكده دشمنی اولان برشق حقدمه قصیده مدحیه نشر ایتسنی بز بردلو حوصله مزمه صیغیره مادیق . اکر زمان مساعد اولسه ییدی ، بوخصوصده تورک یوردیه اوزون اوزادی یه قونوشوردق . بز شوصیره ده بوقیل مناقشاته هیچده طرفدار اولمديغمز ایچون ، سوبلدیکمز قصیده نك بعض یازچهلری تقن و بعض حقایق تاریخی یی تورک یوردینك پیش اطلاعنه تکرار عرض ایتدکن صوکر یالکنز برسؤال توجیهی ایله اکتما ایدم جکز .

جنکیز نامه

ای نورینك هرانی بر میزراق اولان قورقونج کولش !
انسان سانا ، تاریخ ساناسجده ایتش ظهورنده !
یانغش بویوك روحکده فضا قدار بر آلهو ،
جانلی جاننر هرشیته باغیرمشك : - عرق سهو !

ملت عشق یارانمش یوره ککده وولقانلر ،
بر ایشیغه باغلانمش ملیونلرجه وجدانلر ،
او عشق ایله قانلره بویاممشك هریری ،
تورک اولمایان باشلرده ویرمشك کوکلیری ؛
او آتشله دوشمانك سونکولری بویكولش ،
یاغان اوقلر آریغش ، داملا داملا دوکولش !
کوک باراغك او ، کوکدن پارچالانما زمرده نور
صارمش او کوکلیری که آلتندمه تورک بولنور .
تختك اولش آسیا ، کوک زبرجد بر سرای ؛
سلامامش تاجکی نیجه کونش ، نیجه آی ...
خاطرله که باش اکسین چکیلدکه سونکولر ،
آکسین بویوك آدیکی کولله لرله کومبوردور !
تاریخه سن دیکدکه آبدلر ظفردن ،
تاریخ سانا دیکلشم آبدوره ، مظفر !
سن که چامور کره یی پارماغکده چه وردك ،
طافسك اوکا اولوردی سونکوک چلیک بر محور !
قبله اولق یاقیشیر قیلجیله آسیا ؛
او چیقدیك کنیش تخت ، او کیردیک دار مقبر !
یر یوزنده سهای بر قهرمانلق کوسته ردك ،
سجده ایتسین قبریکه مزاریله اسکندر !
قبرار ، بیقار آلبته سها نیله دیلشم ،
نیجه سنده بیر آوج قانله دوغان غضنفر !
قیردك ، ییقدك .. آزدك ، باقدك .. لکن یتمز ، اولووخاقان !
کره یی بیر قزیل الما یامالیدی آتش وقان !

تورک یوردی ، صحیفه ۲۵۱۲

* *

بویله برقصیده مدحیه به مظهر اولان « جنکیز » حقدمه باقلم الک مشهور مورخلر نه سوبلدور :

« ۶۱۶ سنه سی موغول طاقه سی ظهور ایدوب بر چوق بلاد اسلامیه یی ضبط ایله دی واهالیسنی اولدوروب چولوخی ، چو جوخی اسیر آلدی که مسلمانلغك ظهورندن بری اهل اسلامه بو درجه مدهش بر فلاکت عارض اولما مشیدی . یانلرنده حکمدارلری (جنکیز خان) ده بولوندی . حاله ذی الحجه نك دردنجی کونی بخارانی استیلا ایتدیلر . قلعه یی محاصره و ضبط ایدوب ایچنده کیلری اولدوردیلر . دها صوکراده اهالی بلده یی قتل ایلدیلر . » ابوالفدا .

« جنکیز شهره کیردی وقلعه یی دائراً مدار حصر و احاطه ایشدی وقلعه خندقنك املاسی ایچون اسر ویردی . اهالی بولدقلری اشیایی ، حتی جامه لرك منبرلرنی و مصاحف شریفه یی بیله خندق ایچنه آتدیلر ، خندق املا ایتدیلر . آندن صوکر موغوللر قلعه یه هجوم ایتدیلر و جبراً قلعه یه کیردیلر . محصورین یاقه یاقه یه جله سی شهید اولونجه یه قدر چنك ایتدیلر . صوکر جنکیز خان اهالی یه کافه طیشاری چیقسون دیه امر ایتدی . اهالی یالکنز اوزرلرنده کی لباسلر ایله طیشاری یه چیقدیلر . آنك اوزرینه موغوللر کیروب شهری نهب ویغما و شهرده قالمش اولانلری قتل و القای نار ایله شهری احراق ایلدیلر . بخارا اوزمان بر بویوك دارالعلوم اولوب قما و علما ایله مملو ایدی و یک چوق جامع و مدرسه لری وار ایدی . جله سی یانوب کول اولدی . بدمه جنکیز خان اهالی یی اسیر اولق اوزره عسکرینه تقسیم ایتدی . نسوان و صبیان یکدیگرندن آریلیرکن یوره کاری دهن فریاد و فغانلری موغوللره